



SAKSPAPIR

Saksnr	Utval	Type	Dato
43/2019	Formannskap/plan- og økonomiutvalet	PS	11.06.2019

Sakshandsamar	Arkiv	ArkivsakID
Tore Henrik Øye	FE-223	19/443

TILSKOT TIL KURS I FLUGEFISKE OG FISKEAKTIVITATAR FRÅ VAKSDAL KOMMUNE SITT FOND FOR VILT FISKE OG FRILUFTSLIV. MOTTAKAR: DALE JAKT OG FISKARLAG

Vedlegg:

Søknad om tilskot til kurs i flugefiske og fiskeaktivitetar

Rådmannen sitt framlegg til vedtak:

Fondsstyret (formannskapet) for Vaksdal kommune sitt fond for vilt, fiske og friluftsliv, løyver inntil kr. 15 000,- i fondsmidlar til Dale Jakt og Fiskarlag. Tilskotet skal dekkje kostnader med innkjøp av materielle og utstyr til kurs i flugefiske og fiskeaktivitetar for ålmenta i 2017, 2018 og 2019.

Tilskotet er løyvd i medhald av §§ 4 og 5 i fondsvedtektene, jf. § 2.

Tilskotet vert utbetalt når sluttrapport og dokumentasjon av godkjende kostnader ligg føre. Tilskotet skal ikkje nyttast til løn eller administrasjon.

Arbeidsfrist for tiltaket er sett til 01.06.2020, med 31.12.2020 som rapporteringsfrist. Tilskotet fell vekk etter dette.

Formannskap/plan- og økonomiutvalet - Sak 43/2019

FPØ - Behandling:

Samrøystes vedtak.

FPØ - Vedtak:

Fondsstyret (formannskapet) for Vaksdal kommune sitt fond for vilt, fiske og friluftsliv, løyver inntil kr. 15 000 i fondsmidlar til Dale Jakt og Fiskarlag. Tilskotet skal dekkje kostnader med innkjøp av materielle og utstyr til kurs i flugefiske og fiskeaktivitetar for ålmenta i 2017, 2018 og 2019.

Tilskotet er løyvd i medhald av §§ 4 og 5 i fondsvedtektene, jf. § 2.

Tilskotet vert utbetalt når sluttrapport og dokumentasjon av godkjende kostnader ligg føre.

Tilskotet skal ikkje nyttast til løn eller administrasjon.

Arbeidsfrist for tiltaket er sett til 01.06.2020, med 31.12.2020 som rapporteringsfrist. Tilskotet fell vekk etter dette.

Sakframstilling

I søknad av 01.04.19 søker Dale Jakt og Fiskarlag, v/ Inge Sandven, om kr. 15 000,- til kurs i flugebinding og fiskeaktivitetar for ålmenta. Søkar skal nytte tilskotet til å dekkje utgifter ved innkjøp av naudsynt kursmateriell.

I følgje søknaden har søkar halde kurs i flugebinding i både 2017 og 2018, og det er planar om kurs i 2019. Det vert gjort nytte av kjende kurshaldarar, som ikkje tek betalt for innsatsen.

Kursa sitt føremål er å formidle kunnskap om naturbruk, og å gje lærdom om insekter, flugebinding og fiske. Deltakarane fangar inn, artbestemmer og imiterer insekter ved å binde sine egne fluger. Desse vert prøvd ut i elv og vatn.

Kursa er opne for alle; både nybegynnarar og meir erfarne fiskarar. Mange born og ungdom har vist interesse for tilboda.

Avisa Hordaland har laga avisartikkel om aktiviteten: <http://www.avis-hordaland.no/kjop-tilgang?ald=1.2590037>

Formelt grunnlag

- Vedtekter for Vaksdal kommune sitt fond for vilt, fiske og friluftsliv.

Vurdering og verknadar

Fiskeforvaltning er eitt av saksområda for Vaksdal kommune sitt fond for vilt, fiske og friluftsliv, jf. § 2 i fondsvedtektene, med kunnskapsformidling som relevant tiltak. Vedtektene seier vidare at fondsmidlane skal vere til lokal bruk og nytte, og å ha verdi for ålmenta, jf. § 5. Kursa i regi av Dale Jakt- og Fiskarlag er soleis i samsvar med føremålet og verdiane som fondet skal fremje.

I følgje § 5 i vedtektene kan interesseorganisasjonar som Dale jakt og Fiskarlag, søkje om tilskot frå fondet.

Kostnadsoverslag og budsjett føl ikkje søknaden, men det går fram at tilskotet skal nyttast til innkjøp av relevant materiell og utstyr. Fondsvedtektene set ikkje noko prosentvis grense for tildeling av tilskot i høve til dokumentert kostnad, jf. § 5. Det er difor mogeleg å løyve heile søknadssummen (kr. 15 000,-), men føresetnaden må vere at midlane vert brukte til å kjøpe inn materiell/utstyr. Ei slik tildeling må også sjåast opp mot den vesentlege eigeninnsatsen arrangøren legg ned ved gjennomføring av kursa.

I følgje § 5 i vedtektene, er målsetjinga at om lag 50 % av fondsbruken over ein 5-årsperiode, vert nytta til fiskeføremål. Bruken til no er om lag 40 %, som gjer at ein ligg innafor ramma for løyving til fisketiltak.

I følge § 3 i vedtektene skal grunnkapitalen for fondet vere kr. 250 000,-. Kapital over dette er frie fondsmidlar. Fondsaldoen per 01.01.2019, gjev for rom for å tildele kr. 15 000,- i tilskot, og tildelinga fører ikkje til at grunnkapitalen kjem under fastsett minstebeløp. Tildelinga vil heller ikkje gå ut over høvet for å løyve midlar til andre, mogelege søkjarar.

Konklusjon

Søknaden om tilskot til kurs i flugefiske og fiskeaktivitetar, er i samsvar med fondsføremålet. Kurstilboda vert sett på som positive for born og unge, og rådmannen går inn for å tildele inntil kr. 15 000,- i tilskot til innkjøp av materiell/utstyr. Tildelinga er innafor vedtekten sine krav til grunnkapital, og fondssaldoen etter tildeling, sikrar fondet økonomisk handlingsrom.